

BOSNIA AND HERZEGOVINA  
FEDERATION OF BOSNIA AND HERZEGOVINA  
**GOVERNMENT**

Broj: 03-14-218/2015  
Sarajevo, 23.09.2015. godine

**PARLAMENT FEDERACIJE  
BOSNE I HERCEGOVINE**

- Predstavnički/Zastupnički dom  
gosp. Edin Mušić, predsjedavajući
- Dom naroda –  
gđa. Lidija Bradara, predsjedavajuća

Poštovani,

Na osnovu člana 30. stav 2. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH" br. 86/07, 24/09 i 44/10), radi informiranja, dostavljam **IZVJEŠTAJ O ZADUŽENJU FEDERACIJE BOSNE I HERCEGOVINE PO OSNOVU EMISIJE TREZORSKIH ZAPISA**, koji je Vlada Federacije Bosne i Hercegovine usvojila na 23. sjednici, održanoj 23.09.2015. godine.

S poštovanjem,

Prilog: kao u tekstu

Bosna i Hercegovina  
**FEDERACIJA BOSNE I HERCEGOVINE**  
PARLAMENT FEDERACIJE BOSNE I HERCEGOVINE  
PREDSTAVNIČKI - ZASTUPNIČKI DOM  
SARAJEVO

PRIMLJENO: 28-09-2015

Region (Država)	Klasif. grupa	Broj i godina	Vrijednost	Priloga
01-	14-	1253	15	

Bosna i Hercegovina  
**FEDERACIJA BOSNE I HERCEGOVINE**  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO

Priljeno: 28-09-2015

Org. jed.	Broj	Priloga	Vrijednost
02-	14-	1253	15



## IZVJEŠTAJ

### O ZADUŽENJU FEDERACIJE BOSNE I HERCEGOVINE PO OSNOVU EMISIJE TERZORSKIH ZAPISA

Zakonom o izvršenju Proračuna Federacije Bosne i Hercegovine za 2015. godinu (Službene novine FBiH broj: 25/15), na poziciji Financiranje – Primici od domaćeg zaduživanja – Trezorski zapisi, planirano je zaduženje u iznosu od 320.000.000,00 KM čija je realizacija planirana putem emisije trezorskih zapisa.

Vlada Federacije Bosne i Hercegovine je na svojoj 63. sjednici održanoj 09.10.2012. godine donijela Odluku o uvjetima i procedurama emisije trezorskih zapisa Federacije Bosne i Hercegovine (Službene novine FBiH broj: 88/12). Tačkom III stav 1. naprijed navedene odluke propisano je da se emisija trezorskih zapisa Federacije vrši prema dinamici, obimu, uvjetima i na način utvrđen odlukom o emisiji iz tačke II stav 1. iste odluke koju donosi Vlada Federacije Bosne i Hercegovine.

U vezi sa naprijed navedenim Vlada Federacije Bosne i Hercegovine je na 6. sjednici održanoj 22.05.2015. godine donijela Odluku o zaduženju Federacije Bosne i Hercegovine putem emisije trezorskih zapisa Federacije Bosne i Hercegovine V. broj 558/2015 (Službene novine FBiH broj: 41/15), kojom je odobreno zaduženje Federacije Bosne i Hercegovine putem emisije trezorskih zapisa radi prikupljanja sredstava za financiranje izdataka utvrđenih Proračunom Federacije Bosne i Hercegovine za 2015. godinu u nominalnom iznosu od 20.000.000,00 KM sa rokom dospijeća od devet mjeseci (273 dan).

Dana 28.08.2015. godine objavljen je Javni poziv za učestvovanje u emisiji trezorskih zapisa Federacije Bosne i Hercegovine putem aukcije na sarajevskoj berzi-burzi vrijednosnih papira, kojim su pozvana sva zainteresovana fizička i pravna lica da učestvuju na aukciji trezorskih zapisa Federacije Bosne i Hercegovine.

Aukcija trezorskih zapisa Federacije Bosne i Hercegovine održana je 08.09.2015. godine, čime je Federacija Bosne i Hercegovine je ponudila 2.000 trezorskih zapisa nominalne vrijednosti 10.000,00 KM po zapisu, (što ukupno iznosi 20.000.000,00 KM), sa rokom dospijeća 273 dana, putem metode višestrukih cijena.

Za vrijeme trajanja aukcije ukupno su pristiglo 21 ponuda za kupovinu 6.730 trezorskih zapisa u ukupnom iznosu od 67.300.000,00 KM.

Prihvaćeno je 7 (sedam) ponuda za kupovinu trezorskih zapisa putem kojih je prodano 2.000 trezorskih zapisa ukupne nominalne vrijednosti 20.000.000,00 KM, što predstavlja 100% planiranog obima emisije.



Najviša prihvaćena cijena iznosila je 99,6646 uz kamatnu stopu 0,45% a najniža prihvaćena cijena iznosila je 99,4873 uz kamatnu stopu 0,69%. Trezorski zapisi prodani su po prosječnoj ponderisanoj prihvaćenoj cijeni od 99,5474 odnosno prosječno ponderisanoj kamatnoj stopi od 0,61% na godišnjem nivou.

Ukupan iznos prikupljenih sredstava putem emisije trezorskih zapisa iznosi 19.909.485,50 KM.

Trezorski zapisi dospijevaju na naplatu 08.06.2015. godine.

Udio pojedinih sektora u ukupnom iznosu emisije iznosi :

Bankarski sektor	100,00%
------------------	---------

Na dan poravnania 09.09.2015. godine na osnovu izvršene emisije na Posebnom privremenom transakcijskom računu Federacije BiH otvorenom kod Union banke d.d. Sarajevo broj: 102-050-000-010-6698, uplaćeno je 19.909.485,50 KM.

Imajući u vidu navedeno, Vlada Federacije Bosne i Hercegovine donosi sljedeći Zaključak:

**GOVERNMENT**

Na osnovu člana 19. stav (4) Zakona o Vladi Federacije Bosne i Hercegovine ("Službene novine Federacije BiH" br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine na 23. sjednici, održanoj 23.09.2015. godine, donosi:

**ZAKLJUČAK**

1. Usvaja se Izvještaj o zaduženju Federacije Bosne i Hercegovine po osnovu emisije trezorskih zapisa na dan 08.09.2015. godine.
2. Izvještaj iz tačke 1. ovog zaključka uputit će se Parlamentu Federacije Bosne i Hercegovine radi informiranja.
3. Ovaj zaključak stupa na snagu danom donošenja.

V. broj: 1246/2015  
23.09.2015. godine  
Sarajevo



**PREMIJER**

**Fadil Novalić**